

որս և Եկեղեցի Ս. Աստուածածնի և Պատրիարքարանն : Զայս տեսեալ երկուց Պատրիարքաց՝ գրեթէ յուսահատեցան յառաջադրութենէ իւրեանց . զի ոչ գիտէին՝ թէ յինչ ձեռն արկանիցեն , 'ի պա՛րտոն Երուսաղէմի՝ թէ 'ի շինութիւն Եկեղեցւոյն . քանզի անհամար ծախք պիտոյ էին վասն հրաման առնլոյ յարքունուստ առ 'ի շինել զայն , և անհամար ծախք եւս առ 'ի գնել զնիւթան՝ և 'ի կատար հասուցանել զշինուածն : Բայց այսու ամենայնիւ յուսացեալ 'ի խնամս Ս. Աստուածածնի , ջանացան և առին ըզհրամանն՝ և շինեցին զայն . անձամբ անձին ընդ գործաւորս տշխատելով 'ի մէջ հողոյ և փոշոյ , որոց ձեռնտու եղեն յամենայն իրս Ակնցի Սեղբոս Ամիրայն , Կեսարացի Մելիտոնն և Յարութիւնն և Սարգիս Գալճայն :



Գ Լ Ո Ի Խ Ծ Ե .

Նորոգութիւն գմբէթի տաճարին Ս. Յարութեան , և բաժնի Լատինաց : Նորոգել Յունաց դբաժին տեղիս իւրեանց . Քննութիւն նորոգութեանց : Նորոգութիւն բաժնին Հայոց 'ի տաճարի անդ : Վէճ Յունաց ընդ Հայոց սոփս հանգիսի բուսաւորութեան : Այլազգիք Սիոնի . Գատաւտանք գիւղականացն Բեթղէհէմի :

ԱՅԼ մինչդեռ պարապեալ էին Գրիգոր և Յովհաննէս վարդապետք 'ի գործ շինութեան Եկեղեցւոյն Ս. Աստուածածնի , Կեսպանն Գաղղիոյ մատոյց գիր աղաջանաց առ Սուլթան Ահմէտ Գ . և խնդրեաց հրովարտակ 'ի նրմանէ՝ նորոգել զմեծ դմբեթն տաճարին Ս. Յարութեան , եւ զայլ բաժին տեղիս իւրեանց՝ եւ զընակարանս Լատին կղերաց : Զայս զգտցեալ Յունաց՝ զիմեցին եւ նոքա 'ի Դուռն և խնդրեցին հրաման ինքեանք եւս նորոգել ըզբաժին տեղիս իւրեանց 'ի տաճարի անդ : Առաքեցաւ խնդիրն յատեան մեծի գեհնալէտի և դատուց գիտնականաց , և հարցաւ 'ի նոցանէ թէ՝ ներե՞ն արդեօք օրէնք Իսլամաց՝ տալ հրաման Քրիստոնէից նորոգել զԵկեղեցիս իւրեանց : Ել վճիռ յատենէ անտի այսպէս . « Նորոգել միայն 'ի վերայ նախնական գրից , չառնել 'ի նմա զաւելի իրս